

Latgališu kulturys goda bolva „Boņuks 2017” Nūlykums

Latgališu kulturys goda bolva teik taiseita ar mierki apkūpuot lobuokū padareitū i lobuokuos nūtikšonys pāmejā godā, gūdyņojūt aktīvuokūs latgališu kulturys puorstuovus, popularizātuojus, veicynoūt jaunradis i kulturys daudzveideibys atteisteibu iz prīšku.

Projekta ideja i mierki

Veicynuot latgališu kulturvidis saglobuošonu i atteisteibu. Apkūpuot i gūdyņuoat spylgtuokūs i nūzeimeiguokūs sasnāgumus latgališu kulturā pārņejuo goda grīzumā.

Reikuotuoji

Latgolys viestnīceiba GORS

Nominaċeju pretendenti

Fiziskys voi juridiskys personys, kas sovā darbeibā i jaunradē sagloboj, atteista i popularizej latgališu kulturu, izmontoj latgališu volūdu i atbiļst kaidai nu nūlykumā minātūs nominaċeju.

Bolva teik daškierta par spylgtu, kvalitatīvu, sabīdryski nūzeimeigu, sabīdreibys i profesionāļu atzineibu dabuojušu darbeibu voi jaunradi kulturys laukā 2017. godā.

Nominaċejis

Goda cylvāks kulturā;

Goda nūtikšona;

Par myuža īguļdejumu latgališu kulturys atteisteibā;

Par latgališu volūdys populariziešonu;

Par latgališu kulturys populariziešonu Latvejā i pasaulī;

Goda amatnīks/saiminīks;

Goda snāgums vizualajā muokslā;

Goda snāgums skotuvīs muokslā;

Goda snāgums audiovizualajā muokslā.

Goda bolvys muzykā

Lobuokais snāgums pop/rock muzykā;

Lobuokais snāgums šlagermuzykā;

Lobuokais snāgums tautys muzykā;

Lobuokais snāgums alternativajā muzykā;

Lobuokais snāgums akademiskajā muzykā;

Lobuokais muzykys video;

Goda debeja muzykā;

Godā bolvys literatūrā

Lobuokais snāgums literatūrā;

Lobuokais izdavums/gruomota.

Vyspuoreji nūsacejumi

Vīna persona voi personu grupa var tikt dasaceita vairuokom nominacejom.

Gadejumā, ka kaidai nu nominaceju nav dasaceiti koč 3 pretendenti, par tū bolva nateik daškierta.

Žurejai, sasprīžūt sovā vydā i bolsojūt par sovu sprīdumu, ir tīseibys guoduot par kaidys nominacejis nadašķieršonu voi kaidys bolvys dašķieršonu kluotyn.

Dasacejumā eipaši teik viertēts padareitais latgaliskajā kulturā taišni konkretuo goda grīzumā.

Nominaceju skaidruojumi

Bolvai „**Godā cylvāks kulturā**” var dasaceit personu, kas pārnejā godā davuse tīviereibys cīneigu tīguļdejumu latgalīšu kulturys, sabīdryskuos dzeivis i volūdys atteisteibā, uzturiešonā i populariziešonā.

Bolvai „**Godā nūtikšona**” var dasaceit sevkuru kvalitativu, tīviereibu dabuojušu sabīdrysku pasuokumu, projektu, kas nūtics pārnejā godā ar mierki saglobuot, uzturēt, popularizēt latgalīšu kulturu, kulturvidi, volūdu i tml.

Bolvai „**Par myuža tīguļdejumu latgalīšu kulturys atteisteibā**” var dasaceit sevkuru fizisku personu, kas ilgā laika periodā snāguse nūzeimeigu tīguļdejumu latgalīšu kulturys, dzeiviszinis, volūdys uzturiešonā, atteisteišonā, populariziešonā.

Bolvai „**Par latgalīšu volūdys populariziešonu**” var dasaceit fizisku voi juridisku personu, kas 2017. godā sovā darbeibā (publikacejis, akcejis, nūtikšonys, izdevnīceiba, kulturizgleiteiba i c.) populariziejuse, saglobuojuse i atteistiejuse latgalīšu volūdu.

Bolvai „**Par latgalīšu kulturys populariziešonu Latvejā i pasaulī**” var dasaceit fizisku voi juridisku personu, kas 2017. godā ar sovu darbeibu (publikacejis, akcejis, nūtikšonys, izdevnīceiba, kulturizgleiteiba i c.) eipaši popularizejūt latgalīšu kulturu, sasnēdzūt plašuoku auditoreju (sevkurā volūtā).

Bolvai „**Godā amatnīks/saiminīks**” var dasaceit fizisku voi juridisku personu, kas sovā saimnīckajā darbeibā snāguse nūzeimeigu tīguļdejumu latgalīšu kulturys, dzeiviszinis, tradiceju i volūdys atteisteibā.

Bolvai „**Par godā snāgumu vizualajā muokslā**” var dasaceit fizisku voi juridisku personu, kas 2017. godā paruodejuse spylgtu, augši nūvērtātu snāgumu vizualajā muokslā (izstuožu, pleneru, meistardarbneicu organiziešona, daleiba izstuodēs, pietnīceiba, publicistika i tml.).

Bolvai „**Par godā snāgumu skotuvīs muokslā**” var dasaceit fizisku voi juridisku personu, kas 2017. godā paruodejuse spylgtu, kvalitativu, sabīdryski nūzeimeigu, augši nūvērtātu snāgumu skotuvīs muokslā (teatris, deja, koncertizvadums i tml.).

Bolvai „**Par godā snāgumu audiovizualajā muokslā**” var dasaceit fizisku voi juridisku personu, kas 2017. godā paruodejuse spylgtu, kvalitativu, sabīdryski nūzeimeigu, augši nūvērtātu snāgumu audiovizualajā muokslā (kinys, mutimedēju projekti, televizejis i radeju projekti i tml.).

****Dasokūt pretendētus nominacejom, ir juoaizpīlda dasacejuma anketa (nominaceja, pretendents, dasaceituoja kontaktinformaceja, aproksts leidz 2000 zeimu). Pi anketys kluotyn juodalīk materiali, t. sk. publikacejis, recenzejis, audio i videomateriali i c.***

Muzyka*

Bolvai „Lobuokais snāgums pop/rock muzikā”, „Lobuokais snāgums šlagermuzikā”, „Lobuokais snāgums tautys muzikā”, „Lobuokais snāgums alternativajā muzikā” i „Lobuokais snāgums akademiskajā muzikā” var dasaceit audioīrokstu, albumu, cytu snāgumu atbylstūšu īprišk nūsauktim žanrim, kas taiseits i atruodeits publiski 2017. godā.

Bolvai „Lobuokais muzykys video” var dasaceit 2017. godā taiseitu i publiski atruodeitu muzykys video.

Bolvai „Goda debeja muzikā” var dasaceit sevkuru personu, muzykalu apvīneibu, kas 2017. godā ir izdavuse muzykalu skaņdorbu, sataisejuse video voi īrakstejuse albumu, oficialajai muzykalajai darbeibys pīredzei napuorsnādzūt treis godus.

****Dasokūt pretendētus nominacejom muzykys sadaļā, vālams īdūt muzykalū materialu īroksta veidā: dzīsmem – mp3, wav formatā, youtube, souncloud voi cytys saitīs formatā video – avi, wmv, mp4 voi cytys lobys kvalitatis videofails, youtube, vimeo voi cyta saite iz video; albumam – mp3, CD, MC, vinila voi cyta veida izdūtuo materiala originals.***

Literatura*

Bolvai „Lobuokais snāgums literaturā” var dasaceit dorbus, kas padareiti, publicāti 2017. godā.

Bolvai „Lobuokais izdavums/gruomota” var dasaceit izdavumus/gruomotys, kas izdūti 2017. godā.

Dasokūt pretendētus nominacejom sadaļā „Literatura”, nominacejā kluotyn obligati juodūd literārī materialī izdrukavuota, elektroniska faila voi gruomotys formā.

Pretendentu dasaceišonu dora juridiskys, fiziskys personys voi personu grupys. Dasacejumu skaitam rūbežu nav.

Nominaceju dasacejumus da 10. janvara var īsyuteit elektroniski (pa adresam bonuks@rezekne.lv) voi škārsteiklā <http://bonuks.lv>, kai ari syutūt pa postu (posta štempeļs 7. janvars): Dasacejums Latgalīšu kulturys goda bolvai „Boņuks 2017”, Latgolys viestnīceiba GORS, Piļs īla 4, Rēzekne, LV 4601, Latveja.

Viertiešana

Bolvom dasaceitūs dorbus, tūs autorus, autoru grupys viertēs īprīšk sataiseita komiseja, kurys dalinīkim ir ilga profesionala pīredze, dorbojūtīs kotrā nu nominaceju kategorejom. Kotrai nominacejai teik taiseits atškireigs komisejīs sastuovs.

Gadīnī, ka kaidis nu komisejīs dalinīku ir saisteits ar kaidu nu nominaceju voi rūnās interešu konflikts, jis/jei napīsadola konkrētuos nominacejīs kandidatu izviertiešonys procesā.

Apbolvuošana

Piec komisejīs viertejuma apkūpuošonys teik paziņuohtys nominacejīs i nominanti.

Latgalīšu kulturys goda bolvu sajiemieji teik paziņuoti svineigajā bolvu padūšonys ceremonejā Latgolys viestnīceibā GORS 2017. goda 25. februarī.

Sasazynuošonai:
bonuks@rezekne.lv, 22020206